

諸人驟死棄著塹中諸比丘食時著衣持鉢

入舍波提城乞食見塹中有死驟語餘比丘

持去煮我等乞食還當共噉諸比丘問是何

等肉答驟肉諸比丘種種因緣呵云何名比

丘佛未聽噉驟肉而噉是事白佛佛言驟馬
何異從今日不得噉驟肉若噉得突吉羅罪

諸比丘食後入安陀林經行見死獮猴語餘

比丘持去明日當食是比丘即取明日有煮

者有行乞食者諸比丘問長老是何等肉答

獮猴肉諸比丘種種因緣呵云何名比丘佛

未聽噉獮猴肉而噉是事白佛佛言獮猴似

人肉與人何異若噉得突吉羅罪

毗尼雜品竟

十誦律毗尼序卷中

礎陸反敢咽下音僥倖上古堯反祠祀詞似

潢池上音棚步庚反綴知衛駛唐賀婆蹉下音何反

鷲音禿鼻上他谷反角鷗下音鴻紅漂音下符

學

十誦律毗尼序卷下

東晉三藏卑摩羅又續譯

善誦因緣品第四

佛在迦毗羅婆國諸貴釋子出家得長病病
人早起到親里家檀越知識家諸主人問言
樂不答長病不樂主人問得何等病答得如

是如是病主人言白衣時病云何治答牛胞
中著藥灌主人言與汝是藥治比丘言佛未
聽我著是藥是事白佛佛言聽灌用薄皮不
中灌佛言聽厚皮灌屏處聽若藥師教親親
人灌

諸貴釋子出家得長病病人早起到親里檀

越知識家主人問樂不答長病不樂主人問
何等病答如是如是病主人言白衣時病云

何治答用刀治主人言與汝刀比丘言佛未
聽我等用刀治是事白佛佛言聽蓮華莖割
比丘言不中用佛言聽用金銀瑠璃銅鉛錫
珠刀割比丘言如是諸刀不中用治佛言屏

處聽用鐵刀治

有比丘病語看病人言持生熟酥油蜜石蜜來看病言無若有是佛僧物不淨舉宿惡捉不受內宿是事白佛佛言聽若佛物僧物不淨舉宿惡捉不受內宿若病人得上物差竟與

長老畢陵伽婆蹉患眼痛藥師教羅散禪那著眼中作是言佛未聽羅散禪那著眼中佛言聽用治眼畢陵伽婆蹉鉢中有羅散禪那小鉢半鉢大鍵鎔小鍵鎔絡囊懸著象牙杖上取流汗壁卧具房舍卧具垢臭是事白佛佛言聽羅散禪那匱盛比丘作匱不蓋比丘不知當云何是事白佛佛言聽作蓋比丘直作蓋喜墮佛言作子口蓋用烏翅雞翅收漏羅翅塗著眼中痛增佛言作籌長老優波離問何物作籌佛言鐵銅貝牙角木瓦作佛言從今日界內不應作淨處若作得突吉羅罪長老優波離問佛阿祇達婆羅門為佛作入

種粥酥粥胡麻粥油粥乳粥豆粥摩沙豆粥
麻子粥清粥是八種粥雜根藥莖藥葉藥華藥果藥煮可飲不佛言病比丘可飲不病者不得飲

佛在蘇摩國是時長老阿那律比丘弟子病服下藥中後心悶佛言與熬稻華汁與竟悶

甘土

不止佛言竹筍汁與竟佛言囊盛米粥絞汁與與竟不差佛言將屏處與米粥

優波離問佛佛聽結髻雞尼耶梵志施八種漿招梨漿牟梨漿拘梨多漿舍梨漿阿說陀漿波流沙漿劫必陀漿蒲萄漿是八種漿根湯莖湯葉湯華湯果湯合可飲不佛言若無

酒味不雜食清不濁聽飲

佛在舍婆提爾時憍薩羅國諸居士道中無水處以水施并施石蜜六羣比丘從憍薩羅國至舍婆提次第行到施水處六羣比丘但噉石蜜不飲水居士言何以獨噉石蜜不飲水六羣比丘言嗜石蜜不喜飲水施主言我

爲飲水故施石蜜今汝何以但噉石蜜不飲水六羣比丘言我嗜石蜜不喜飲水是六羣比丘有大力復不畏破戒是居士不能面前譏說去後心瞋呵罵沙門釋子自言善好有德但噉石蜜不欲飲水諸比丘少欲知足行頭陀聞是事心慚愧是事白佛佛言從今日五時聽噉石蜜一遠行來二若病三若食少四若不得食五若施水處是五時聽噉石蜜從今日若不飲水不聽噉石蜜若噉得突吉羅罪

優波離問佛石蜜漿舉宿得飲不佛言病比丘得飲不病不得飲

三
廿

比丘若得二種請一請與他一比丘受問汝與不答我與更問何時與答洴沙王請佛及僧百歲四事供養是時與是事白佛佛言比丘有二請一今日請二冷請若有一日得二請一請與他一請自受冷請有二種淨隨受不淨隨受云何淨隨受五併陀尼五食五似

食何等五併陀尼根莖葉果磨何等五食飯麩糒魚肉何等五似食糜粟大麥迦師菴子何等不淨隨受五寶五似寶五寶赤金銀摩尼珠頗梨瑠璃何等五似寶赤銅鐵鎰石水精鉛錫白鑑若淨物直受不淨物作淨已受阿羅毗國諸比丘日日借作具居士言諸作具何以不自作而日日借比丘言佛未聽我等畜作具是事白佛佛言爲僧聽畜一切作具有居士祇洹作房舍是中有少供養具客比丘房舍中宿問是房舍誰作答某甲居士作是比丘一宿早起著衣持鉢詣居士所語言汝房舍中供養具何以少居士言我先時大多與是比丘言我是中一宿住見供養具少不足言居士語比丘共詣本作房舍比丘所居士到本營房舍比丘所言我本與長老是中供養具斯何所在比丘答本所與供養具異房比丘用去居士言我本不與異房比丘用與自作房舍中住比丘用我房舍空是

供養具著異處是不應爾是比丘不知當云
何是事白佛佛言從今日聽檀越與何房舍
是中住者應用應分

舍婆提有一人親里爲他殺著祇洹灘中空
處比丘求覓糞掃衣到死人邊取一衣去諸
親里覓到祇洹見是比丘問言大德如是人

若見若聞不比丘答此人死棄在祇洹灘中
我是邊取一衣來親里言將我示處比丘即
將示處親里見死悲咽言汝或能以衣故殺
我人比丘言我實不殺若殺何以不取餘殘

衣物也親里如是思惟我等輒語是比丘不
實語我當將去詣官便將去詣官官問是比
甚

時舍婆提有大疫病多有人死諸比丘取燒
死人間薪爲僧辦溫室是燋薪鬼逐來一切
僧得病苦是事白佛佛言不聽取死人間薪
若取得突吉羅

諸比丘取天祠中衣毳劫具白疊守祠人言
大德此諸衣物屬祠莫取比丘言此泥木天

用衣物爲守祠人言佛阿羅漢塔物我亦當
取是事白佛佛言從今日天祠中衣毳劫貝
知釋子比丘不作是事故此比丘去若後如

是比丘不問他莫取是比丘從恐怖得脫是
事語諸比丘諸比丘是事白佛佛言從今日
不問他殺人衣不應取若取得突吉羅罪

諸比丘取有主死人地衣旃陀羅言死人地
衣莫取我曹輸王如是如是物諸比丘不知
當云何是事白佛佛言有主死人地衣不應
取若取得罪諸比丘取有主死人地四邊有糞
掃衣是中旃陀羅亦遮是事白佛佛言若遮
莫取若取得突吉羅

甘士

五

差汝死後現前一切物僧當分汝亦不得大福不得恩分汝今活時分處六物與僧餘殘物與我病比丘思惟若不與恐不好看我思惟竟即以六物與僧餘殘物與看病人是比丘後病差是時佛及僧夏後月遊行諸國土餘比丘著新染衣是比丘獨著弊衣佛知故問比丘何以獨著弊故衣是比丘是事白佛佛種種因緣呵何以名比丘六物不應與僧不應分與他亦不應教他與佛種種因緣呵竟告諸比丘從今日六物不應自與不應教與若自與教他與得突吉羅罪

長老優波離問佛僧坊中房舍破是中有所用敷具覆具得持博賀治不佛言得若僧中兩房舍欲壞得賣一房治一房不佛言得憍薩羅國有邊聚落是時有賊諸居士畏賊棄聚落去是時諸比丘乞食難得便棄塔物僧物已自持衣鉢出去是賊世靜已諸居士還本住處諸比丘爲塔物僧物乞求錢財居士

言先有塔物僧物皆何所在比丘言於賊世中失去居士言汝白衣鉢在不比丘言我持隨身居士言汝等自愛衣鉢不愛佛物僧物諸比丘不知當云何是事白佛佛言若賊世怖畏時聽擔去後還著本處

更有賊世諸比丘取白衣鉢及佛物僧物持出去六羣比丘道中逢言是僧卧具我當用之時比丘不與便鬪諍諸比丘不知當云何是事白佛佛言擔去者應用餘不應索諸比丘持塔物僧物著空地自著衣持鉢乞食來還失是物去佛言行乞食時擔佛物僧物自持衣鉢擔荷不好佛言乞食時聽以物著衣裏是比丘持佛物僧物著空地上廁出失衣物白佛佛言護是物欲使不失當寄人著屏處憍薩羅國一住處檀越爲比丘僧施衣是中比丘僧不在是事白佛佛言現在三比丘應分二比丘亦應分一比丘心生口言受沙彌若二若三應分一人心生口言應受

橋薩羅國一住處檀越爲比丘尼僧施諸衣物是中比丘尼僧不在是事白佛佛言現前三比丘尼應分二比丘尼亦應分一比丘尼心生口言應受三式叉摩尼二式叉摩尼應分一式叉摩尼心生口言應受三沙彌尼二沙彌尼應分一沙彌尼若心生口言應受

二比丘尼應分一比丘尼心生口言應受三式叉摩尼二式叉摩尼應分一式叉摩尼心生口言應受三沙彌尼二沙彌尼應分一沙彌尼心生口言應受若時都無比丘尼式叉摩尼沙彌尼爾時比丘僧應分乃至沙彌亦如是

七

七

薩羅國一住處檀越爲比丘僧施衣物比丘僧不在是事白佛佛言現在三比丘二比丘應分一比丘心生口言應受三沙彌二沙彌應分一沙彌心生口言應受若時都無比丘無沙彌是事白佛佛言是物比丘尼僧應分若時亦無比丘尼僧三比丘尼二比丘尼應分一比丘尼心生口言應受三式叉摩尼二式叉摩尼應分一式叉摩尼心生口言應受三沙彌二沙彌應分一沙彌心生口言應受三沙彌尼二沙彌尼應分一沙彌尼若心生口言應受

橋薩羅國一住處檀越爲比丘尼僧施衣物式叉摩尼應分一式叉摩尼心生口言應受三沙彌尼二沙彌尼應分一沙彌尼若心生口言應受

橋薩羅國一住處檀越爲比丘尼僧施衣物是中無比丘尼僧白佛佛言現在三比丘尼

坐遣使白佛食具已辦唯聖知時僧著衣持鉢入居士舍佛住精舍迎食分是居士見衆坐定自行澡水上座中座多美飲食下座及沙彌與六十日稻飯胡麻滓合菜煮與諸居士與衆僧多美飲食竟自行澡水取小座具僧前坐聽說法上座舍利弗說法竟從座出去是時羅睺羅作沙彌食後行到佛所頭面禮佛足一面立諸佛常法比丘食後如是勞問多美飲食飽滿不爾時佛問羅睺羅僧飲食飽滿足不羅睺羅言得者足不得者不足佛問何以作是語羅睺羅言世尊諸居士與上座中座多美飲食飽滿下座及沙彌與六十日稻飯胡麻滓合菜煮是時羅睺羅羸瘦少氣力佛知故問羅睺羅汝何以羸瘦少氣力羅睺羅即說偈言

食胡麻油大得力 有食酥者得淨色

胡麻滓菜無色力 佛天中天自當知
當知佛知故問羅睺羅是僧中誰作上座答

和尚舍利弗佛言比丘舍利弗不淨食長老舍利弗聞今日世尊呵言比丘舍利弗不淨食聞竟吐食出盡壽斷一切請食及僧布施常受乞食法諸大貴人居士欲作僧食欲得舍利弗入舍白佛願佛勑舍利弗還受請佛告諸人汝等莫求舍利弗使受請舍利弗性甚

若受必受若棄必棄舍利弗非適今世有是性乃前過去亦有是性若受必受若棄必棄汝等今聽爾時世尊廣說本生因緣過去世時有一國王爲毒蛇所蟄能治毒師作舍伽羅呪將毒蛇來先作大火語蛇言汝寧入火耶寧還噉毒蛇思惟唾竟云何爲命故復噉已吐不可還噉我寧入火死如是思惟竟投身火中佛語諸人蛇者今舍利弗是此人過去世若受必受若棄必棄今亦如是是時佛種種因緣呵舍利弗竟告諸比丘從今日應行上座法云何應行若聞犍槌聲若時到聲應疾往坐處坐觀中座比丘下座比丘或

有坐不應法者若坐不應法者應示是比丘
若不覺應彈指彈指不覺應語比丘座安詳
語若上座施主與僧食時不應先食待得遍
聞等供聲乃食一切僧應隨上座法行

佛在王舍

城王舍城中有居士名戶利仇多大富多錢

財有大德力是外道婆羅門弟子此人疑沙
門瞿曇有一切智不行到佛所問訊佛竟一
面坐佛爲戶利仇多說法示教利喜是應行
是不應行種種因緣說法已默然居士戶利
仇多聞法已叉手向佛白佛言沙門瞿曇明
日我舍食憐愍故以彼應度故佛默然受請

甘十一

力

時戶利仇多見佛默然受從座起爲佛作禮
遶佛三匝而還到舍於外門間作大火坑令
火無烟無燄以沙覆上如是心生口言若沙
門瞿曇是一切智人當知是事若非一切智
人沙門瞿曇并諸弟子當墮此坑中即入舍
敷不織坐牀上敷白氍如是心生口言若是

一切智人當知是事非一切智人并弟子當
墮戶利仇多以毒和飲食心生口言若是一
切智人當知是事非一切智人當中毒死早
起遣使白佛飲食已辦佛自知時爾時佛語
阿難令僧諸比丘皆不得先佛前行一切應
在佛後阿難受教令諸比丘皆不得先佛前
行一切應在佛後令僧竟是時佛著衣持鉢
在前行諸比丘從佛後佛入戶利仇多舍佛
變火坑作蓮華池滿中清淨水既甘而冷水
中有赤白種種色蓮華遍覆水上時佛與僧
皆行廣葉蓮上告戶利仇多汝居士當除心
中疑我實一切智人佛作是語竟入舍上不

織牀變令成織告戶利仇多汝居士當除心
中疑我實一切智人是戶利仇多見二神力
信心即生清淨恭敬尊重於佛是時戶利仇
多歡喜叉手白佛言食中有毒僧或得病願
佛小待更作飲食佛言居士但施此食僧不
得病佛告阿難僧中令未唱等供一不得食

阿難受教即僧中令大德僧佛約勒未唱等供一不得食是時佛如是呪願姪欲瞋恚愚癡是世界中毒佛有實法除一切毒解除捨已一切諸佛無毒以是實語故毒皆得除佛

作是語食即淨無毒是時居士尸利仇多從坐起行澡水手自斟酌多美飲食飽滿多美飲食飽滿與竟洗手攝鉢尸利仇多取小坐具於佛前欲聽法佛隨意說甚深淨妙法尸利仇多即於坐處得諸法法眼淨如是尸利仇多得法見法知法善法淨法心除疑悔不信他法得不隨他語佛法中得無畏力從坐起頭面禮佛足大德我從今日歸依佛歸依

廿

十

法歸依僧持五戒爲優婆塞佛爲尸利仇多更多說法示教利喜佛從座起而還以是因緣故會僧會僧已告諸比丘從今日不得在佛前行不得和尚阿闍梨一切上座前行從今日未唱等供不得食若食得突吉羅罪橋薩羅國一住處二部僧得衣物比丘多比

丘尼少比丘言我取二分汝取一分比丘尼言中半分諸比丘不知當云何白佛佛言比丘比丘尼等分式又摩尼沙彌沙彌尼四分與第四分

佛在王舍城有居士名波提爲佛及僧作房舍極好莊嚴多備飲食多比丘會千二百五十更有居士爲大衆布施衣物是居士言佛聽於衆中大聲唱是事白佛佛言聽布施時於衆中大聲唱比丘平地丘唱衆多不聞是事白佛佛言聽座上丘唱亦不聞高處立唱亦見亦聞更有居士見大衆集布施衣物作是言佛若聽我衣摩羅鞞訶羅施佛言聽摩羅鞞訶羅施衆人言佛若聽我人捉衣角去曳土中或脚躡上是事白佛佛言聽著繩上繫兩頭各一人捉中央故曳泥土中是事白佛佛言聽作木又擎時小兒男女擎木叉道中見人作伎樂飲食嬉戲便捨衣繩著一面走往看失衣物佛言若六歲以下至無

廿

十一

歲及式叉摩尼沙彌沙彌尼爲五衆擔衣居士更言佛聽持香鑪在前白佛佛言聽時衆默然行諸外道人嫉妬言是沙門釋子如擔死人無異居士言佛若聽我如世俗法作唱妓樂去佛言聽

有一居士見大衆集多施衣物居士言佛若聽處處唱讚佛言聽無人受是衣物佛言聽

先作羯磨使一人受無人守佛言聽作羯磨使一人守比丘無五法不應作羯磨受衣物何等五不知不得不知受得物不知價不知數若著不知憶念處比丘有五法應作羯磨受衣知得知受得物知價知數若著憶念處

衣物佛言知分物人應作羯磨無五法是比丘不應羯磨作分衣人何等五不知相不知衣色不知衣價不知數若與若不與不憶念比丘尼有五法應作分衣人知衣相知衣色知衣價知數與不與憶念諸比丘尼分衣時讚歎是好是不好亂衆佛言分衣時不應讚歎亂衆應默然受衣分

佛在舍婆提爾時祇洹有人爲新房舍因緣故作飲食多比丘會千二百五十諸比丘亂入亂坐亂食無有次第或有比丘先食入或有比丘食時入或有比丘食後入是事白佛佛言應唱時到雖唱時到遠處不聞是事白佛佛言應打犍槌雖打遠處不聞佛言應打鼓平地打鼓遠處不聞佛言應立垂上打亦不聞佛言應高處立打亦見亦聞或時無有看食人食未辦未熟雖時到食不好或時有看食人食辦熟時到食好是事白佛佛言看食人應僧中作羯磨

憍薩羅國一住處二部僧得衣物比丘尼言佛聽我布施物各著一處佛言聽諸比丘尼無人布施衣物飲食卧具隨病藥或有人少多與餘人輕笑言愛念婦故與諸比丘尼白佛言聽我施物還著一處佛言聽無人分是

廿一

橋薩羅國一住處二部僧得衣物比丘少比丘尼多比丘言是衣物作中半半與比丘僧半與比丘尼僧比丘尼言我本衆少諸比丘取二分我等取一分今日多何以與半分是事白佛佛言比丘比丘尼應等分式叉摩尼沙彌沙彌尼四分與第四一分

有時檀越施僧食在空露地槃上有殘餅筐中有殘飯木筭器中有羹諸外道異學嫉妒持酒糟著諸飯羹中如是思惟是食不淨便出家人不得食諸比丘不知當云何便白佛佛言若可却者却餘可食之若諸比丘共沙彌傳鉢食比丘轉食與沙彌沙彌食轉與比丘比丘洗手更從沙彌受意中疑此或不淨食便白佛佛言若一心實與沙彌鉢食是爲淨諸沙彌持器筭筐杓行食時比丘爲沙彌受食分若沙彌行食比丘爲受比丘心疑將非觸食不知云何是事白佛佛言是衣觸無所犯諸比丘食竟以食不淨鉢與沙彌

白衣沙彌白衣洗鉢竟還著諸筭筐器中諸比丘思惟是或不淨佛言一心與淨人鉢是爲淨諸比丘有檀越施食在空地諸比丘食竟捨諸食器去風雨汙泥不淨佛言器物淨洗應著覆處諸比丘二三用澡豆膩故不盡以木刮却膩與澡豆淨洗取水極遠諸居士以水布施居士言知水極遠何以大用水諸比丘不知當云何佛言若一心二三遍與澡豆淨洗是事應淨時有潢水僧取用是中有象馬驢牛羊猪狗皆入中飲屎尿不淨樹葉華果皆墮水中爛臭不淨是事白佛佛言水中不淨者可却便却餘水應飲諸比丘白佛水濁鹹應得飲不佛言先疑不淨不應飲若先不疑應飲

橋薩羅國有一住處僧得衣物施非一切處得羯磨比丘不知當云何便白佛佛言是衣物應作二分如是言是分屬上座是分屬下

座如是言是分屬下座是分屬上座作竟即應羯磨竟異比丘來不欲與不應與若不作如上法不應受若受得突吉羅罪若不如是作出界得突吉羅罪亦應共異比丘分是衣物中應作價數如是分我應取餘殘屬汝我如是分我應受若作如上法應羯磨竟異比

丘來不欲與不應與若不如是作應與餘比

丘分若不如上法不應受出界得突吉羅罪若一比丘言取是衣中一衣言我分足餘殘屬汝等如是作應羯磨法竟餘法如上

是衣物應與一比丘作羯磨云何應與一心

會僧應一比丘衆中唱大德僧聽是衣物是

住處現前僧應分若僧時到僧忍聽比丘某

甲僧羯磨與如是白白四羯磨僧某甲比丘羯磨與衣物竟僧忍默然故是事如是持是比丘受衣竟不肯還歸作是言何處善法善言善施法與都是僧中我何以還歸諸比丘不知當云何便白佛佛言清淨故與如是言

是比丘還歸便好不歸應強奪是比丘應教突吉羅罪懺悔

優波離問佛佛聽諸比丘所著衣覆身衣拭身巾拭腳巾拭面巾僧祇支泥洹僧是衣名何等佛言名波伽羅晉言助身衣也優波離問是衣云何受答是衣如是言是波伽羅衣我受用

廿十一

十四

故何等人邊應受佛言五衆邊應受

優波離問佛上座比丘不聰明作非法遮如是成遮不佛言不成復問持戒作非法非善遮如是成遮不佛言不成

優波離問佛如佛所說遮如法羯磨不成遮

羯磨一切不成遮耶佛言不也優波離或有

沙彌受具戒時心悔不用受具戒作是言我不用受具戒是言成遮沙彌尼受六法作式又摩尼作是言我不用受六法是言成遮式又摩尼受具戒時作是言我不用受具戒是言成遮若比丘有僧伽婆尸沙罪與作波利婆沙摩那埵本日治作阿浮呵那羯磨是比

丘言莫作我不用是言成遮若比丘十四人應僧中羯磨作是言我不用是言成遮優波離問有比丘被擯欲懺悔懺悔時下意隨僧法界外得作羯磨解擯不佛言不得作解擯者得罪

優波離問佛佛餘處說有二因緣知破僧一僧中唱二受籌有賊住僧中唱行籌是名破僧不佛言不破與學沙彌僧中唱行籌是名破僧不佛言不破優波離問四人本白衣衆中唱行籌破僧不佛言不破數滿一比丘男根轉爲女破僧不佛言不破

優波離問若草敷座若長牀得共未受具戒

某

十五

人坐不佛言可坐得共黃門坐不佛言不可與學沙彌可共坐不佛言可坐二與學沙彌可共坐不佛言不可

優波離問佛幾許爲長牀坐處佛言極小容四人坐處是名爲長牀

有居士於祇洹中作房舍是房舍中比丘著

衣持鉢入舍婆提城乞食居士見問汝何以乞食比丘言不能得食故居士言長老可還我當爲長老送食言已便送比丘問是食與誰使人言是食與僧比丘即將使人持食著僧食處是比丘明日更著衣持鉢入舍婆提乞食居士見復問長老何以乞食比丘言無食故乞居士言我昨日送食何以不噉比丘言汝所遣食我問使人是食與誰使人言與僧我即持著僧食處是故不食居士言我不爲一切僧送食爲住我房中僧送食比丘不知當云何便白佛佛言若施主供養物爲住房舍中僧住房舍比丘應取

有一居士祇洹中作房是居士過數日到祇洹中欲聽法入所作房日暮打犍槌欲聽法諸比丘闇中坐說法居士言大德然燈比丘言無酥油居士言我與大德遣人送即送比丘言與誰使人言與僧比丘即將使人持酥油著僧然燈處用居士餘時到祇洹入自所

作房欲聽法如本日暮打犍槌僧間中坐說
法居士言大德然燈比丘言無酥油居士言

事不護惜何等五水日塵垢揩突是爲五不
護惜

我前與送何以不然比丘言汝送與僧我便
將使人持酥油著一切僧然燈處居士言我
不與一切僧送酥油爲住房比丘送比丘不
知當云何便白佛佛言若是供養物爲住房

中比丘是物住房比丘應用應分取塗脚酥
油革屣衣鉢果藥亦如是佛言若擅越言大

德於中幾時住隨大德所用聽用若言是物

屬汝聽擔出去得持去

諸比丘僧卧具不著覆身衣便取用僧卧具

弊失色不好垢臭有蟲是事白佛佛言從今

廿一

十六

比丘著僧卧具入大小便處入洗大小便處
入浴室是衣卧具失色垢臭生蟲佛言從今
日不得著僧卧具衣入大小便處及洗大小
便處入浴室若著入得突吉羅罪

日僧卧具不聽比丘不著覆身衣便取用若

用得突吉羅罪

諸比丘不知長幾許作覆身衣佛言極下乃

至能覆身三分何等三會腰膝諸比丘不護

惜用僧卧具餘比丘以是事白佛佛言僧卧

具不得不護惜用若不護用得突吉羅罪五

六羣比丘欲剃髮一小比丘剃未竟未著袈
裟六羣比丘驅小比丘去汝小佛言剃髮時
小比丘有少許髮在不應驅去若驅去得突
吉羅罪

僧剃刀鑷剪爪刀子諸比丘已磨利欲用六
羣比丘來驅去我上座汝小與我用諸比丘

廿二

十七

不與鬪諍罵詈佛言不應與若有先受磨利者用竟後應與他

六羣比丘見諸小比丘入大小便處入洗大小便處入驅去言我上座汝小今諸無病者得病病者增劇佛言大小便處洗大小便後

入者不應驅先入者出若驅得突吉羅罪

六羣比丘浴室中語餘比丘汝起去我是上座汝小佛言浴室中上座不應驅下座去待

出時若驅得突吉羅罪

佛在舍婆提時長老阿難在多衆中說法有第一上座來阿難敬起第二第三亦如是起是衆散去皆不一心諸白衣言大德此中無

小食亦無中食上座來何以起使衆散去破

聽法衆若上座欲上座處坐何以不先入是阿難說法不知初不知後不知次第不知因緣爲誰故說是事白佛佛言從今日說法時聽法時上座來不應起上座亦不應驅下座起若自起若驅他起俱得突吉羅罪佛言若

和尚阿闍梨來恭敬故起不應語餘人起若語餘人起得突吉羅罪從今日鹿牀長繩牀上聽三人共坐若三歲中間得共坐四歲不得共坐細陞繩牀上聽二人共坐獨坐牀上聽一人坐

有僧金鑊瓶瓮諸比丘用煮染汁竟著餘處

持衣著染汁中六羣比丘來語餘比丘與我金鑊瓶我上座汝小我欲用持染汁注著一物中竟復注著一物中染汁漸少衣色變黑諸比丘不與鬪諍罵詈是事白佛佛言不應與比丘若先取用竟後應與上座染汁殘少許在上座來索不欲與佛言若少許殘可却著餘處者應與

諸比丘取僧園中樹木用煮飯煮羹煮肉煮湯煮藥煮染舊比丘不喜如是言我等經營種樹木勤苦汝等客比丘不語我默然取燒佛言應語舊比丘佛言從今日僧園中樹華應取用供養佛塔及阿羅漢塔若有淨人應

使取果樹上大木四方僧應用作梁椽樹
皮枝葉諸比丘自在用

佛在舍婆提給孤獨作祇洹竟種種莊嚴四
事供養與僧諸比丘不受言佛未聽我等受
如是莊嚴房舍是事白佛佛言聽受清淨房
舍六羣比丘驅坐禪比丘汝起我上座汝小

是事白佛佛言坐禪時不應計大小不應驅
去若驅去得突吉羅罪

諸比丘用僧水洗腳六羣比丘驅去汝小我
上座是事白佛佛言洗腳時不應計大小驅
去若驅得突吉羅罪

一住處一比丘衣鉢物爲答用是比丘死諸
比丘不知當云何是事白佛佛言塔物計直
還取現前僧應分

一住處一比丘貨取四方僧物私用是比丘
死諸比丘不知當云何是事白佛佛言財物
還計直輸四方僧餘殘現前僧應分

廿十

十九

一比丘衣鉢寄居士居士失去是比丘往居
士邊索居士言失比丘言汝自失我不失若
失汝自償諸比丘是事白佛佛言若好看失
不應償若不好看失應償

有一住處舊比丘屬塔物自貸用是比丘死
諸比丘不知當云何是事白佛佛言衣鉢物
還計直輸塔餘殘僧應分

丘邊索比丘言失去賈客言汝自失我不失
若失汝自償諸比丘是事白佛佛言若得自
在不應償若不得自在應償

有居士祇洹中作房舍竟設飯食衆多比丘千二百五十是時四方國土不知法人皆來會有布施諸比丘者諸比丘呪願時讚佛言佛大力大德讚法大德大力讚僧大德大力讚大德舍利弗目犍連阿那律難提金毗羅如是三寶無數無量阿僧祇是中或有人持佛名字或人持法名字或人持僧名字或人持舍利弗目犍連阿那律難提金毗羅名字或人持無數無量阿僧祇名字是大眾會不久各還散去是人輩各還田舍聚落餘時諸比丘出諸國田舍乞有持佛名字者言佛來與布施持法名字者言法來與布施持僧名字者言僧來與布施持舍利弗名字者言舍利弗來與布施持目犍連阿那律難提金毗羅無數無量阿僧祇如是等名字者言無數無量阿僧祇來與無數無量阿僧祇布施諸比丘不受是食是事白佛佛言是邊國人不知爲是比丘故與食而名與佛法僧舍利弗無

數無量阿僧祇飲食自在應受
有比丘病餘住處有親親比丘來問訊病比丘語坐坐已間訊客比丘小住便起欲去病比丘言何以去答我不持衣鉢來病比丘言我與汝衣即與客比丘一處宿明日擔此衣去病比丘見言我衣莫擔去客比丘言是衣

廿一

三

實與我病比丘言非常與汝受故與汝客比丘言是實常與病比丘不知當云何便白佛佛言是非實與清淨故與是比丘應還歸衣輞語歸好不歸強奪取教受突吉羅罪懺悔佛在祇洹精舍住時火灾漸次來燒祇洹是時佛呪願言我一切漏盡真阿羅訥得佛道是實語故火即滅諸比丘持僧卧具出者一處火滅後不知此諸卧具本屬何房舍是事白佛佛言應作識作識故不可分別應更作異相作異相故不可知應作輪應作篆文應作德字如是作故不識佛言應作字是物某甲其甲居士所布施屬某甲某甲房舍是卧

具物雖知有所屬復不知是物爲屬何重閣
何者屬上閣何者屬中閣何者屬下閣佛言
應了了上作字是屬上是屬中是屬下

給孤獨居士作樓施僧僧不受是事白佛佛
言聽受樓給孤獨居士施僧禪僧不受白佛
佛言聽受禪居士白佛聽我縷文毘飴施僧

佛言除作女像餘盡聽

給孤獨居士作五百獨坐漆畫牀并禪施僧
僧不受言佛未聽我等畜如是上好獨坐牀
是事白佛佛言聽受如是淨上好獨坐牀
佛在舍婆提居士給孤獨已死以是故祇陀
槃那破壞無人治諸比丘是事白佛佛言應

其

廿一

作羯磨如七法衣法中說

佛在舍婆提諸人親里死以白蠶裹棄著死
人處如是思惟是死人用是蠶爲持布施僧
可得福德思惟竟即持白蠶詣祇洹布施諸
比丘諸比丘不受言佛未聽我等受棄死人
處衣物是事白佛佛言聽受

有一貧窮人死以衣裹棄死人處如是思惟
是死人用是衣爲當布施僧可得福德思惟
竟即持詣祇洹布施諸比丘不受言
此衣無主當從誰受是事白佛佛言無餘人
法應受彼人親里死如是思惟更用異衣裹
異衣裹不淨還從比丘索本衣裹送著棄死
人處諸親里往到比丘所索本衣諸比丘不
與是事白佛佛言應與親里裹死人如是思
惟是衣不吉裹二死人誰當受者并死人棄
棄竟還去是衣即失諸比丘還從彼人索答
言已失以是事白佛佛言出來軟語索得好
不得法不應強索

有一比丘賒酤酒未償便死酒主從諸比丘
責酒價諸比丘答此比丘在時何以不責酒
主言償我酒價不償者出汝惡名聲釋種沙
門飲酒不肯償價諸比丘不知當云何以是
事白佛佛言是比丘有衣鉢物應用償若主
無物應取僧物與償何以故恐出諸比丘惡

名聲故

佛在舍婆提舍婆提諸賈客欲發去是賈客道中空澤畏處有極好精舍賈客入精舍中見諸比丘默然坐不眠不睡坐禪入深禪定是賈客見諸比丘心生厚信清淨語諸子弟汝看少多有飲食者取來布施是好比丘子弟答更無餘食有少蒲萄賈客言隨少多與若不布施無福德即以蒲萄施諸比丘諸比丘各各分人得五枚諸比丘各各覓淨人或得或不得不知當云何以是事白佛佛言都合諸蒲萄一處火淨應食

佛在阿羅毗國諸上座比丘初夜坐禪中夜

廿三

各各還房宿道中諸惡蟲怖師子怖虎豹豺羆怖以是事白佛佛言從今日聽然炬行末利夫人詣祇洹欲聽法諸比丘聞冥中說法末利夫人言大德然燈諸比丘答無酥油夫人言我當送後日即送諸比丘即然燈著地不大明末利夫人即與燈樹諸比丘言佛未

聽我等受燈樹諸比丘不知當云何是事白

佛佛言從今日聽受燈樹

佛在王舍城六羣比丘以不淨脂用師子虎豹豺羆脂塗脚已到他象馬牛羊驢癩是畜生等聞脂臭拽拖鞞靽驚走諸人問畜生何以驚走六羣比丘言我有大威德神力是故

驚走諸居士瞋呵罵言沙門釋子自稱善好有德心如似獵師用惡獸脂塗脚使畜生驚怖散走而言我有大神力威德諸比丘少欲知足聞是事心不喜是事白佛佛言從今是諸惡獸脂不應用塗脚若用得突吉羅罪

廿四

佛在舍婆提波斯匿王詣祇洹欲聽法其日布薩說戒諸比丘言大王汝出我等欲作法事王言我欲聽法事諸比丘言佛未聽我等未受大戒人前說戒法事是王必欲得聽諸比丘不知當云何是事白佛佛言從今日聽在波斯匿王等諸王前說戒大臣兵吏遣去

廿五

廿三

有一人大有諸地布施諸比丘諸比丘不受以是事白佛佛言從今日聽衆僧受用作園林別房房舍經行處受用

五比丘著五三肘衣入聚落乞食是衣曳地脚躡土汙風吹露身以是事白佛佛言從今日聽諸比丘受泥洹僧著入聚落泥洹僧長

四肘廣二肘阿羅毗國諸比丘日日擔石土鑿甌甌泥土治佛塔精舍衣不淨垢汙行乞食諸居士瞋呵罵沙門釋子自言善好有德諸外道婆羅門尚著淨衣來乞食是釋子今著作垢衣來乞食如作胡麻油人如土作人諸比丘以是事白佛佛言從今日若作時聽著內小泥洹僧

佛在迦毗羅衛國諸貴釋子出家戲笑露智行乞食婆羅門言諸釋子自言善好有德今戲笑露胷乞食使衆人見以是事白佛佛言從今日聽著僧祇支用覆胷入聚落乞食諸比丘早起入聚落乞食得食著一面待時當

食是時大風雨塵土入鉢食中諸比丘心悔言是食更受日時到求淨人不可得諸比丘不得淨人日時欲過是事白佛佛言從今日聽五塵不受應食米塵穀塵水塵衣塵風塵是爲五塵

惱薩羅國諸比丘得甘蔗作分諸上座得多無齒中座下座及沙彌得少齒利歎即盡眼看上座欲更得以是事白佛佛言從今日飲食時應等分

憍薩羅衆多比丘夏安居諸居士等見衆多比丘便次第請食若自減食分布施比丘或半月食或一月食諸比丘受食竟自恣已夏後月分衣物分食分竟各各自出去餘比丘憍薩羅遊行欲至舍婆提到住處非時大雨墮諸比丘問是中有擅越能與食不有比丘言無問有僧食不答本有僧食夏後月安居竟分衣物分食分已各自去諸比丘少欲知足聞是事心不喜呵責諸比丘言何以名比

廿一

丘僧食物夏安居竟各自分去諸比丘種種因緣呵竟以是事白佛佛言從今日僧食不應分若分得突吉羅罪從今日聽樹下安居時若有好樹讓上座如樹下露地亦如是有事應羯磨十四人

佛在婆伽國國中有貴人子名滿提請佛及

僧明日於舍食佛及僧默然受請滿提知佛受請爲佛作禮達三帀還歸是夜辦種種飲

食布坐處遣使白佛食具已辦唯佛知時佛與比丘僧前後圍遶俱入滿提舍佛在僧中敷座處坐滿提子弟不信佛法僧皆是婆羅門邊國人下食時不疾與少與不一心與與時觸比丘手比丘語言高舉手莫觸我手子弟言我非白癩非旃陀羅汝等何以惡我諸比丘不知當云何是事白佛佛言若不輕與得受若輕故觸手不應受

橋薩羅國一住處一比丘死是比丘以衣鉢物寄比丘尼精舍諸比丘言我等應分比丘

尼言我等應分比丘不知云何以是事白佛佛言若比丘死前寄比丘尼衣鉢物現前比丘僧應分

橋薩羅國一住處比丘尼死是死比丘尼白衣鉢物寄比丘精舍諸比丘尼言我等應分

比丘言我等應分比丘尼不知云何以是事

廿五

白佛佛言若比丘尼死前寄比丘衣鉢物現前比丘尼僧應分

佛在舍婆提釋子跋難陀死衣鉢直三十萬金橋薩羅國王波斯匿言是人無兒子故是物應屬我佛遣使語波斯匿王言大王王賜城邑聚落人稟頗少多與跋難陀稟分不王

言不與佛言誰力故令得生活是應分僧力故今應取王聞好教便止諸刹利輩言是比丘與我同姓同生同是刹利種是衣鉢物應屬我等佛遣使語刹帝利言汝等作國事大事官事頗問跋難陀不答不問跋難陀不在時汝作官事頗待跋難陀不答言不待佛言

跋難陀共僧羯磨跋難陀不在時僧不羯磨
是衣鉢物應屬僧諸刹利聞是好教便止諸
親俗中表內外皆言是跋難陀是我伯叔父
舅甥甥兄子是衣鉢物應屬我等

佛遣使語言汝等嫁女娶婦會同取與錢財
頗得跋難陀與分不答言不佛言諸與跋難

陀衣食分者應得是衣分跋難陀僧與食故
是衣鉢物應屬僧諸親族聞是好教便止跋
難陀衣鉢物寄在餘處是跋難陀於餘處死
寄物處諸比丘言是衣鉢物我等應分死處
諸比丘言是衣鉢物我等應分以是事白佛
佛言是諸衣鉢物在界內現前僧應分

跋難陀衣鉢物處處出息與人異處死異處
人負其責死後負責處諸比丘言是物我等
應分死處諸比丘言是物我等應分佛言負
責處界內彼比丘應分
跋難陀衣鉢物保任出息餘處死餘處出息
餘處保任死處諸比丘言是衣鉢物應屬我

等出息處諸比丘言是衣鉢物應屬我等保
任處諸比丘言是衣鉢物應屬我等佛言保
任處界內現前僧應分

跋難陀衣鉢出息貨物跋難陀異處死貨物
復在異處取錢人亦在異處死處諸比丘言
是財物應屬我等貨物處諸比丘言是財物
廿六

應屬我等取錢處諸比丘言是財物應屬我
等佛言貨物處界內現前比丘應分

跋難陀衣鉢財物與他作券出息跋難陀異
處死取錢者在異處作券人亦在異處死處
諸比丘言是物應屬我等取錢處諸比丘言
是物應屬我等有手執券處

諸比丘言是物應屬我等諸比丘不知當云
何以是事白佛佛言有手執券處界內現前
比丘應分若手執券若貨物是二無異
佛在舍婆提牟羅破求那比丘死是衣鉢物
本寄長老阿難牟羅破求那在異處死長老
阿難在異處所寄衣鉢物在異處死處諸比

丘言是衣鉢物應屬我等長老阿難所住處
諸比丘言是衣鉢物應屬我等寄衣鉢物處
當云何以是事白佛佛言阿難所在處界內
現前比丘應分

十誦律毗尼序卷下

反肘	作或反式	貸	反禰皺	鍵	鎔	鑑	鍊	杖
	反知廢俗	又	又反他代	二字	乾咨	二字	先擊反	音翼
抑	拽	償	側瘦反	熬	熬	熬	示麌	匱
瓶	瓶	責	下音	高絞	高絞	古反	糒	糒
瓶	瓶	酒	側	巧	巧	筍	糒	糒
	二鹿音羊	常	也下音	筍	筍	筍	糒	糒
	字車	責	志記	悲	悲	筍	糒	糒
白	券	枚	不識同記	咽	咽	筍	糒	糒
癩	反	枚	悔音	結	結	筍	糒	糒
惡	願	枚	同記	突	突	筍	糒	糒
我	郎	枚	反救音	下徒	下徒	筍	糒	糒
故	反	鞍	半宜	骨	骨	筍	糒	糒
天		鞍	反救音	反	反	筍	糒	糒
稟	今悲							